

16 de marzo de 1978



Sr. Don Luis Tobío
Madrid

Meu querido amigo:

Confirmo o que che acabo de decir por teléfono: un curriculum e unha fotografía.

Quédame a dúbida de se ao marcar temas no esquema do Caderno poden haber pecado de limitante, cousa na que non quería caer e por eso decía que "... independentemente da liberdade conque cada un quera evocar a súa lembranza da vella Institución, tocasen un particular tema distinto..."

Quero lembrar que esta intención non limitante era a nosa. Se dúbida eu son culpable de exercer influencia limitante precisamente contigo, fundador da Institución, e esto amólame.

Sen dúbida ti tes moitas cousas que decir, que lembrar e que enfocar que poden contribuir á historia espiritual e política do Seminario que serían útiles pra o futuro. Pensa na posibilidade de ampliar o teu traballo con algunhas lembranzas ou algúns escritos que ti vexas que podía preceder perfectamente ao que xa me enviache, Inda quedan uns días pra pechar a edición.

Estase facendo, con motivo desta mostra, unha recolleita de datos das circunstancias que rodearon á vella institución. Hai ^{será} puntos escuros. Algúns non convenientes lembralos agora por que a posible restauración do Seminario non veña a separar a unir. Hai cousas que é millor deixalas... Hai outras que probablemente serían útiles mais non aparece rastro de elas. Por exemplo o acta fundacional ¿quen a ten?. O discurso de Gaspar "Do Novo Espírito" ¿onde está?. ¿E posible que de estas cousas tan importantes ninguén poda dar conta?

Eu sigo na agarda. O que ti fagas ben feito está.

Apertas tensas, teu

Díaz Pavón